

仿寓意草

懋修題



卷下

大鼎克同



許關黃拙安治效

許關黃翁。字拙安。豪傑士也。其少君小香。與予有金蘭之好。予往來許關。有微名。翁之推許居多。翁素奉呂祖師。臨凡壇。賜名曰鶴真。嘉慶間。曾患不寐。三月諸醫罔效。在祖師殿求籤。得第十六籤。曰支體魁吾。氣稟豐。縱然疾病。不爲凶。君能再得軒岐術。壽到期。頤未改容。翁思據此籤詞。蘇醫總不能治矣。急買舟至揚。就九峯先生診治。先生用孩兒參三錢。夜交藤三錢。白芍二錢。甘草五分。燈心五十寸。雞子黃二枚。每個點青鹽三分。輕描淡寫。頗似仙方。翁

一服卽酣寐。道光九年正月。翁又抱恙。醫至二月半後。愈
治愈重。自分不起。命小香至祖師殿求籤。以卜生死。仍得
第十六籤。翁曰。莫非我尙可活。但蘇醫不能。九峯先生。吾
不能請。李冠仙與吾家世好。請當來。連夜放船至鎮。予念
交誼。聞信卽行。於廿二日開船。廿三日辰刻到毘陵。屈指
廿四日始能到關。不意忽遇大順風。船行如駛。酉初已抵
潁關。不及五個時辰。行一百六十里。在河道實所未經。豈
非神助。到卽進診。翁已弱不能言。止低聲曰。六兄救我。診
其寸關。皆沉閉。若無惟兩尺雖小而數。按之有根。出見案。

上有十全大補湯方。候予是晚不至。則服之。當有關醫施
朗山先生問予曰。此數人公訂之方。不知可服否。予曰。平
近古稀。氣弱至此。十全大補自應是理。但閱前方人參熟
地所服不少。並非不補。乃愈補愈壞。或者用補太早乎。翁
素有痰患。今反無痰。而脈來上中二部皆沉。閉豈非痰因
藥補膠固不活。阻塞氣機乎。若盡由於虛。則尺部亦應沉
弱不見矣。故此方將來當可服。而現在則斷不可服。恐痰
更結而氣更塞。竟至不治也。且其尺脈甚數。溫補亦恐非
所宜也。於是變化大半夏湯。用孩兒參三錢。半夏粉三錢。

白蜜三錢。竹瀝三錢。薑汁少許。千里長流水。揚三百六十
五遍。煎服。翁已十日不寐。服九峯先生舊方。亦不寐。服
方後。忽然安寐。約兩時許。寤卽痰活。連吐數盂。心中暢快。
請予復診。則寸關皆起矣。方亦輕描淡寫。而靈異如此。卽
予亦有所不解。三進原方。日見起色。見其脈總兼數象。漸
加石斛。生地。十日卽起牀健飯。又去白蜜。加陳倉法。十日
飲食如常。精神清健。蓋本火體。只宜清補。乃知前此皆參
芪溫補之誤也。盤桓數日。予乃辭歸。握別之際。翁謂予曰。
兄似祖師意中人。何不皈依。予曰。惜身不能作道士。翁曰。



何必道士只在心耳。祖師以濟世爲心。兄亦操濟世之
以祖師之心爲心。卽皈依矣。予曰。唯長者之言。謹當書
然此正可見翁之爲人。不可及也已。



南京中医药大学图书馆版权所有

戴都統寸白蟲治效

京口都統戴公字魯望大解出寸白蟲。甚至不解時。三五條自行爬出。予曰。此脾虛生濕。濕熱生蟲。蟲有九種。惟寸白蟲居腸胃中。時或自下。乏人筋力。耗人精氣。其蟲子母相生。漸大而長。亦能殺人。於是以歸脾去芪。加苦楝根。使君子肉。又加榧子肉爲引。公問榧子肉何爲。對曰。能殺蟲。問可常吃否。曰。可。公服藥二帖。蟲較減而未盡。公乃買榧子一觔。無事服之。日盡半觔。許。次日又服。大便後忽下蟲二尺餘長。嘴尾相銜。以物挑之。寸寸而斷。榧子肉原可治。

虫而專用多服竟可除寸白虫之根書所未載可謂奇矣
後有李氏子虫蝕其肛有似狐惑症予代調理外亦教其
專食樵子肉亦下寸白虫二尺餘而愈然則斯方竟可傳
矣

李青原傷寒治效

李青原兄病傷寒。頭痛項強背板。一身盡痛甚惡寒。而甚發熱。自服發散藥。無汗。予診之。見其脈浮而弦甚。知其素來陰虛。不能作汗。以九味羌活湯。去生地黃。芩加當歸八錢。一服得透汗而解。方本景岳歸柴飲。景岳專用柴胡。只治少陽症。不能治太陽症。特變而通之。陶節庵九味羌活湯。治江南傷寒最好。江南無正傷寒。不能用麻黃湯也。或議其黃芩生地。不應見面用涼。然已見口渴欲飲。用之有效。否則不妨易之。予自治李青原後。每遇傷寒夾陰虛。

者。卽以節庵景岳法參用。去芩地。加當歸。少則五錢。多至一兩。無不得汗而解。三載以來。取效不下數十人。然則斯法亦殆可傳也。

凡發散藥。太陽經居多。陽明經則白芷葛根升麻三味。少陽經則柴胡一味。仲景小柴胡湯。爲少陽症而設也。瘧症不離乎少陽。今人用小柴胡湯治瘧症。未嘗不可。乃景岳五柴胡飲。及正柴胡飲。皆用柴胡治太陽傷寒。恐不能散邪。而反引入少陽也。至葉天士治瘧症。則又戒用柴胡。更不可解。今吳人患瘧。不敢少用柴胡。以致



纏綿日久甚有死者。皆其遺禍也。景岳名家。葉氏亦醫
中翹楚。一則重柴胡如此。一則棄柴胡如彼。豈非偏
爲害哉。

何年正月

分

不

何年正月



南京中医药大学图书馆版权所有

郭秉和戒烟治效

郭秉和嗜鴉片烟。其引甚大。忽詣予求戒。予思烟引甚怪。書稱諸怪病皆屬於痰。痰病求之不得。則屬於蟲。五臟之中。爲蟲所據。則精神血氣皆不能自主。而聽蟲所爲。烟引之怪。蟲爲之也。諸病從虛而入。諸蟲亦從虛而生。五臟之中。何臟爲虛。則烟毒先入。而蟲亦先生。故同此吃烟。而引之來也。迥不相全。或神疲呵欠。或腹痛異常。或時欲大解。或精泄如溺。種種不一。大抵何臟生蟲。則現何臟之病。至其時蟲欲得烟。其引乃至。今欲戒烟。非治蟲不可。而欲治

蟲非兼補其虛不可。郭兄之引來時。卽屢欲大解中氣。腎氣皆虛。於是以補中益氣合補陰益氣。每日作大劑與服。另治藥末。用貫衆雷丸蕪夷鶴虱苦楝錫灰檳榔樞實。藥壳諸多殺蟲之藥。稍加烟灰爲引。沙糖調服。命於引初到時。仍吃烟一二口。使蟲頭皆已向上。卽將末藥調服。蟲食而甘之。而不知其殺之也。伊本服烟廿四口。如法服三日。卽減去一半。又三日。僅餘每早四口。糞後逐日下碎黑蟲。細小而多。十數日。早上四口。總不能免。復請予商酌。予曰。旣如此有效。有何酌改。想蟲根未盡耳。子姑待之。又十餘

日伊忽欣然來告曰。我早上四口烟亦戒矣。問何故。曰。余昨大解後。似有物堵塞肛門。極力努掙。突出而下。視之。如一小胞。衣破之則皆碎蟲也。一時傳聞。皆以爲奇。後有引小者。以所餘末藥如法服之。連治二人。此數年前事也。近日吃烟者更多。求戒者絕少。卽郭秉和亦仍吃烟矣。嗟乎。我欲活人。而人皆求死。奈之何哉。

此嘉慶二十年前事。鴉片烟初本二三換。後忽貴至十換。郭姓本不甚有餘。竟吃不起。所以求戒。後烟漸賤。所以復吃。三十五六年來。烟賤至半換。吃烟者十有三四。

到處烟館。雖賣菜傭挑漿老。亦多吃烟。下至乞丐輩亦吃烟。既窮且病。甚至於死。而皆不悔。哀哉。



南京中医药大学图书馆版权所有